

سوقاڭك اورتهسى او ، قالدېرمك صيرتى ياتاق ،
.....
حولى باشدن باشه بېكارجه دېانجيله طولو ..
اسكى صاحبلىرى ملكك قابامشلىده يولى ،
ال آچوب يالوارىيورلر بىكى صاحبلىرىنه !
(صفحات : سلبانيه كرسيسنده)

سلانيكى يونان اهل صليب اردوسى بلا حرب اشغال ايتدكدن
صوكراده انشارينه دوام ايدن برمسلمان غزته سنك [۱] حكومت جديده يه ،
ملكك بىكى صاحبلىرىنه قارشى نشر ايتدىكى استرحامنامه سنك عينا تقي موافق
كورولمشدر . استقلالك قدرينى بيلمه ينلر ، اسارتى حياتنه ترجيح
ايدنلر بوزواللى قارداشلىرمنك دشمن التده كى حالى كورسولنلرده
يشامق ايچون اولمك لازم كلديكنى آكلاسولنلر .

يشامق كو جلشدى

« مملكتمزك هر طرفنى كزوب كوره نلر تصديق ايدرلر كه تجمع
ايدن نفوس كثيره يى قطعياً بومملك ايدار ايدمه من . يونان ، بلغار صرب
عساكر نظاميه و طوپچىلرى و سلاحلىرى تسليم ايتمش اولان عثمانلى
عسكرلىرى اوج ولايت ملحقانلر مهاجرت ايدوب كلن نفوس كثيره
والاصل مملكتمك خارج وداخلى كچيلمز بر حاله افراغ ايتمشدر .
فرونلرده اكمك بولمق ممكن اولمه يور . بتون فرونلر قپولرينه
روجه بر ورقة تعليق اولنه رق « عسكرى يه عاندر » عبارتهسى بوكون
مع الاستغراب مشهود اوليور . بومسئله يى علاقه دار اولانلر سؤال
ايدرز ؟ بتون فرونلر عسكره عاندر اولدقنلر عسكره اهالى ، مهاجرين
وسائر نه ايله تغدى ايدم جكلر در . ايكي كوندنبرى بالذات فرونلرى
كزوب اكمك آلمغه موفق اوله ميانلر ، آچ قالان عائله لرلايمد ولايمصادر .
برمسلمان غزتهسى اولمق مناسبيله هر هانكى برسيدن مضطرب اولانلر
بحق اداره خانه مزه مراجعتله فرياد ايدىيورلر . بزده بوزواللير ويره جك
جواب ، تسليت ايدم جك بر نقطه بوله ميورز .

حكومتدن چند دفعه رجا واسترحامده بولندق ، ينه رجا ايدر
ونظر دقت واعتبار وريلىرى جلب ايدرز . حقيقه جامعلرده ، سوقاقلرده
ياتمغه محكوم يچاره مهاجرين عائله لرينك حال اسف اشماللرى شايان
مرحمت بر درجه ده در . بو مهاجرلر ييه جك اتمك وحقى دفع حاجت
ايدم جك بر محل بوله ميورلر . معاذالله بوسورتله مملكتمده بر سارى
خسته لىك ظهوريده مستبعد دكلدر .

كرك مملكتمك ، كركسه عساكر متفقنهك سلامتى نقطه نظرندن
مملكتمك دن بواز دحامك رفقى چاره سنه باقيلمق ، مهاجرينى برلرينه سوق
واعزام ايتك ، عساكر بر قسمنى مناسب محللر سوق ايله بى لزوم
ازدحامك تهوينى چاره لرينه لطفاهمت ايتك حكومت يونانيهك وظيفه
مقدسه سيدر .

بز اويله ظن ايدرز كه حكومت بونك چاره عاجلنى بوله جق وهر
حاله سلامت عموميهك تايمينه سعى ايدم جكلدر .

معيشت بحثنه كلنجه ، مملكتمزده موجود فرونلر كاملاً
عسكره تخصيص ايدلسى واهالينك معيشتى خصوصتك نظر دقت
آلمامسى بالطبع انارشى يى موجب حالاتندر .

معلومدر كه آچلق هيچ بر شيله قابل تداوى اولمه من . آچ اولان
بر شخصده هر محله تعرض ايدر . مملكتمك آسائشى مختل اولور .
بناء عليه حكومتك بو بابدهده نظر دقت عليه سنى جلب ايدم رز .
موجود فرونلر بر قسمتك عسكره ، بر قسمتك ده اهالى به تخصيص
ايدلسى و هانكيلىر عسكره ، و هانكيلىرىنك اهالى به مخصص اولديغك
مطبوعات واسطه سيله عمومه اعلانيله بو حال اسف انكيزه بر نهايت
ويرلسنى تكرار على التكرار حكومتك عدالت و مروتندن بكلرز .
« بى عصر »

مكنايت

آتيده كى مکتوب كچن هفته چتالجه محاربه سندن اول خادم كويده بولنان
خبرمن طرفندن كوندلش اولوب مطبوعات يوميه ايله نشر ايدلش ايدى :

علمای كرامك ورودى

ايلاه

اردوى عثمانى حيات نوين كسب ايتدى

مستشار مشيخت عليا طرفندن علمای اسلامه خطاباً جهاد
بياننامه سى نشر اولونديغنه دائر تلغرافنامه كزى كورنلر يك نمون و اميدوار
اولديلر . دون اقشامده علمای كرام كلديلر . يك حسن تأثير كوستردى .
ايلريده بولنان اردويه ، فرقه لره عزيمت ايتديلر . علمانك بورايه
ورودى اردوى اسلامده درين بر تأثير حصوله كتيروب قوه مغنويه يه
حيات نوين بخش ايتكه باشلادى . افراد دشمندن دوئيمه جكلرينه
ويوز چويرمك ايسته ينلرى دشمندن اول كبرته جكلرينه يمين بالطلاق
ايتديلر . افراد نظرنده علمانك يك بيوك اهميتى واردر . علمای
كرام كندى اهميتلىرى ، وظيفه علويه لرينى تقدير ايدرك دها بدايت
حريده ميدان حربه شتابان اولسولر ايتمش ، يك بيوك فائده لر ،
موفقيتلر استحصال ايديله جكدى . ايشته دليلي ميدانده . افراد ، علمانى ،
اصحاب عمامى كورنجه بتون عروق دينه لرلى غلبانه كلدى . هر كس
الله اوغورنده ، اسلاميت اوغورنده جانز فدا ، ديه باغرييور .
ان شاء الله اردومن يقينده نصل بر ملت اردوسى اولديغنى كوستردى . [۱]
فقط كلن علما آزدر . علما يالكز حكومتك اعزامى بگله مملدى در .
بدننده بر آز قدرت كون بتون علما ميدان حربه شتابان اولملى در .
اووقت اردونك قوه مغنويه سى جهانى خيرتلىر ايچنده براقير .

ذاتاً بوبابده كى فرضيتى هر كسندن اول علما بيلير ، وعندالله ،
عندالناس هر كسندن اول اونلر مسئولدر . چونكه وظيفه تبليغ
اونلره عاندر اولديغى كى ؛ امته پيشوا اولمق ده اونلر وظيفه مهمه سيدر .

اسلاملر دار اغاچلرنده

ماتن غزته سنك مصطفی پاشا مخبری ۱۷ تشرین ثانی تاریخیه یازیور :
 ... اوکله دن صکره ساعت ایکی راده لرنده دیوان حرب اعضاسیله
 یکریمی قدر زاندارمه نفری ، اطراف خانه لری خلقی و حرب مخبر -
 لری بوش قالان بر اسلام خانه سنك باغچه سنده طوبیلا ندیلر . بر دقیقه
 ظرفده ایپلری اغاچك اك صاعلام دالدرینه باغلابوب اسکمله برینه
 محکوملرک آياق لری آلتنه اسکي فوجیلر قوبدیلر ، اکر اوفوجیلر ایله
 بر آز اوتنده تهی بر خانه دن بولدقلری ایپ بولنسه ایدی باغچه ده
 بولنلرک اعدام ایچون حاضرلق کورمکده اولدقلری کیمسه فکرندن
 کچیرمیه چکدی . هوا غایت کوزل ایدی ، صوك بهار کونشی بیاض
 شماعاتی ایله اطراف طاغلری تنور ایدوب بو فوجیع و جانخراش
 منظره یه یوقارودن ، يك یوکسکدن تماشا کر اولیور ایدی . محل
 مذکور دن یوز مترو اوتنده بیوک برجامک بیاض منساره سی هوانك
 مائی طبقه لری ایچنده هیبتنا اولیوردی . مناره نك اوزرندن بلغار
 عسکری ، بیاض البسه لی صلیب احمر جمعیتی اعضاسی ، بلغار قیزلری
 بومنظره نی تماشا ایدیورلر ، آشاغیده تجمع ایدن خلق محاربه دن ایلروده
 جریان ایده چك مکالمه سیاسیهدن بحث ایدوب بو فوجیع منظره نی نظر
 دقته آلمق بیله ایسته میورلردی . پولیس قومیسری دار آغاچنه صوك بر
 نظر تفتیش عطف ایتدی وهرشیک حاضر اولدیغی کورمک زاندار -
 مه لره خانه ده موقوف اولان محکومینک میسدان سیاسته کتیریلر
 امرینی ویردی . برمدت صکره احمدواسماعیلی اوزاقدن کوردم ، فصل
 اعدامه محکوم اولانلر بولنریدر ؟ بسبتون لاقید بولنان ، تیرمه یه ،
 جزئی بر اثر هیجان و خلیجان کوسترمیان بو آدملرک اعدامه محکوم
 اولدقلرینه ، بر آز صکره دار آغاچنه چیه جقلرینه اینانق قابلی ؟ .
 احمد ایپك صالانمقده اولدیغی آغاچ لاقید بر نظر عطف ایتدکن
 صکره پارلاق کوزلرینی بزه کوبستردی ، هیجاندن عاری اولان بو
 قلبک وطن محبتی ایله مشحون اولدیغی آشکاردی . بو کوزلرک بر آز
 صکره ابدیاً قاپا نه جفته بر دلو اینانق ایسته میوردم ، اولرده حیات
 واردر ، بکا اوله کلیورکه غریب ونا کهظهور بر حادنه حکم اعدامک
 انفادینه مانع اوله جقدی . ایکی دقیقه اول زاندارمه لرك حکم اعدامی
 تبلیغ ایتدکلری زمان احمد واسماعیل یمکلرینی هنوز بیتمشلرایدی .
 هیچ بر هیجان و خلیجان حس ایتدیلر ، هیچ بر سوز سویله مکسزین
 سیالرنده علائم تلاش کوسترمه دن درحال آیانغ قالفه رق کلیچه لری
 اولماق ایچون اللرینی آرقه لرینه کوتوردیلر ، شمدی آغاچ طوغری
 کلیورلر . یولده تجمع ایدن جمع غفیر آرمه سنده کندی یوللرینی بالذات
 آچدقلرینی کوردیکم زمان قلبدن مدهش بر تأثر حس ایتدم .
 قانوناً اعدام قرارنامه سنك دیوان حرب طرفندن تعیین ایدیلن مأمور
 مخصوصک اوقومسی الحجاب ایدر . اعدامنامه آلتی بیوک صحیفه دن
 عبارت اولوب قرائتی یکریمی دقیقه قدر دوام ایتدی . بو ائشاده بن
 متصل اختیار احمدک یوزینه باقرق بر اثر هیجان آرامنه غیرت

بویله اولورسه نصرت الهیه دن قطعاً امید وار اوله بیلیرز . زیرا
 « ان تنصروا الله ينصركم = اكرسنز اللهه نصرت ایدرسه كز ، اوده
 سنزه نصرت بخش ایدر . » اللهه نصرت ؛ قرأی ، اسلامیتی مدافعه
 ایچون حیاتی ، مالی ، بتون موجودیتی فدا ایتمکدر . هرکس جانی
 فدا ایتسه بتون امت حیاتی قازانیر . اونك ایچون علمای کرام
 قطعاً اهل کوسترمه ملیدر . حکومتک بوباده اتخاذا ایتدیکی تدابیر ؛
 ان شاء الله یقینه حسن تأثیرینی کوسترمه چکدر . « وما النصر الا من
 عندالله العزيز الحكيم »

شهادت اسلامیه

موظفه کی وطنپوران امت طرفندن جریده مزه آتیده کی تلغراف
 چکیلشدر :

سبیل الرشاد غزته معتبره

« قائمز ، دینمز ، ایمانمز واردر . سبیل الرشاد اصحاب ایمانی دعوت
 ایدیور . قضا مزدن موقع حربه کیدن هنوز یوزده بر راده سنده در .
 له الحمد علل وامراضدن سالمز . ایلك اشارتده حرکتیه آماده یز . جوا -
 بکزی تلغرافخانه ده بکله یوزز . ۴ تشرین ثانی ۳۲۸

اشرافدن بلدییه رئیسی متینغ رئیسی مفتی
 یعقوب ، عبدالرحمن ، علی ، امین سلیمان نادر احمد

سبیل الرشادده آیدر کی تلغرافی جواباً کشیده ایتمشدر :

شهادت اسلامیه کزله روح پیغمبر شاداندر . احکام اسلامیه نی
 تبلیغ ، حکومتک اوامرینه انقیاد ، وظیفه مزدر .
 ۵ تشرین ثانی ۳۲۸ سبیل الرشاد

دوندده طاش اوچندن شو تلغرافی آلدق :
 درسعادتده سبیل الرشاد غزته معتبره سنه

لوامنز داخلندن دخی عسکر کیتامش کیدر . حکومتک هر
 امرینه آماده بولندیغمزی دینمز ، ایمانمزله عهد و میثاق ایتدک له الحمد
 علل وامراضدن سالمز . جوابکزه ماکنه باشنده منتظرز .

قونیه : طاش اوچی ۱۳۰ تشرین ثانی ۳۲۸ اهالی محلیه نامنه
 حاجی محمد

سبیل الرشاد

بو محترم امضا صاحبی یقیندن طانیدیغمز ایچین تلغرافنامه سندن
 نه قدر متحسس و متأثر اولدیغمزی تمریف ایدمه یز . اولیسی هفته
 حنین غزوه جاییله سی اوزرینه یازدیغمز مقاله نك - لطف حق ایله -
 تأثیر بلیغی بوتون آناتولی اهالی اسلامیه سی طرفندن متینغلر عقد
 اولونمق ، اداره خانه مزه آتشین تلغرافلر کشیده ایدلک صورتیه
 ابراز ایتدیکنی کورمکله اشك ریز شکران و محمدت اولدق . بز شو
 حقیقت علویه نی آکلادق که : الله ورسول الله اوغرنده مال و جانی
 کوله کوله فدائی جان منت بیلن بویله ملیونلرجه اولاد محمدی وارکن
 خلافت مقدسه اسلامیه بوتون شعله شوکت واجلالیه یاشایه جق .
 قیامته قدر یاشایاجق . اللهم کثر عددهم و عجل مددهم لیدنک و کتابک آمین !